

საქართველოს ფინანსთა მინისტრის

ბრძანება №471

2023 წლის 6 დეკემბერი

ქ. თბილისი

„საქართველოს საბაჟო ტერიტორიაზე საქონლის გადაადგილებისა და გაფორმების შესახებ ინსტრუქციების დამტკიცების თაობაზე“ საქართველოს ფინანსთა მინისტრის 2019 წლის 29 აგვისტოს №257 ბრძანებაში ცვლილების შეტანის შესახებ

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, ვბრძანებ:

მუხლი 1

„საქართველოს საბაჟო ტერიტორიაზე საქონლის გადაადგილებისა და გაფორმების შესახებ ინსტრუქციების დამტკიცების თაობაზე“ საქართველოს ფინანსთა მინისტრის 2019 წლის 29 აგვისტოს №257 ბრძანებაში (ვებგვერდი, 30/08/2019, სარეგისტრაციო კოდი: 230210000.22.033.017230) შეტანილ იქნეს შემდეგი ცვლილება და „საბაჟო ზედამხედველობის შესახებ“ ინსტრუქციის (დანართი №3) მე-6 მუხლის:

1. მე-3 პუნქტის „ე“ ქვეპუნქტის შემდეგ დამატოს შემდეგი შინაარსის „ე¹“ ქვეპუნქტი:

„ე¹) საბაჟო საწყობიდან თავისუფალი ვაჭრობის პუნქტის/თავისუფალი ვაჭრობის პუნქტის საქმიანობის ნებართვის მფლობელი პირის მფლობელობაში არსებული საბაჟო საწყობის დანიშნულებით ან პირიქით, თავისუფალი ვაჭრობის პუნქტიდან/თავისუფალი ვაჭრობის პუნქტის საქმიანობის ნებართვის მფლობელი პირის მფლობელობაში არსებული საბაჟო საწყობიდან სხვა საბაჟო საწყობის დანიშნულებით, ან თავისუფალი ვაჭრობის პუნქტის საქმიანობის ნებართვის მფლობელი ერთი პირის მფლობელობაში არსებულ საბაჟო საწყობებს/თავისუფალი ვაჭრობის პუნქტებს შორის საქონლის გადაადგილებისას – თავისუფალი ვაჭრობის პუნქტის საქმიანობის ნებართვის მფლობელ პირს;“.

2. 3² პუნქტის შემდეგ დამატოს შემდეგი შინაარსის 3³ პუნქტი:

„3³. საბაჟო საწყობიდან თავისუფალი ვაჭრობის პუნქტის/თავისუფალი ვაჭრობის პუნქტის საქმიანობის ნებართვის მფლობელი პირის მფლობელობაში არსებული საბაჟო საწყობის დანიშნულებით ან პირიქით, თავისუფალი ვაჭრობის პუნქტიდან/თავისუფალი ვაჭრობის პუნქტის საქმიანობის ნებართვის მფლობელი პირის მფლობელობაში არსებული საბაჟო საწყობიდან სხვა საბაჟო საწყობის დანიშნულებით, ან თავისუფალი ვაჭრობის პუნქტის საქმიანობის ნებართვის მფლობელი ერთი პირის მფლობელობაში არსებულ საბაჟო საწყობებს/თავისუფალი ვაჭრობის პუნქტებს შორის საქონლის გადაადგილებისას შევსებული მოწმობის რეგისტრაცია „eCustoms“-ის მეშვეობით შეიძლება განხორციელდეს აგრეთვე თავისუფალი ვაჭრობის პუნქტის საქმიანობის ნებართვის მფლობელი პირის მიერ.“.

მუხლი 2

ეს ბრძანება ამოქმედდეს გამოქვეყნებიდან მე-3 დღეს.

საქართველოს ფინანსთა მინისტრი

ლაშა ხუციშვილი

